

玄覽堂叢書續集

第八十三冊

文選卷之四

卷之四

荒徼通攷

東夷

朝鮮

倭
即日本

西域

哈密

南荒

安南

北塞

采顏三衛

高句麗

北魯

衛

晉

燕

鄭

陳

東

齊

魯

朝鮮



朝鮮武王封殷箕子地。箕子教以禮義田蚕。又制八條之教。其法相殺者以當時償殺相傷者以穀償相盜者以男沒入為其家奴。女子為婢欲自贖者不具見其人終不相盜。無門戶之閉。婦人貞信。飲食以邊豆。其後四十餘代至戰國時。朝鮮準亦僭稱王。始全燕時嘗畧屬焉。為置吏築障塞。秦滅燕屬遼東外徼。秦亂燕齊趙人往避地者數萬口。漢興為其遠難守。復修遼東故塞。至涿水為界。屬燕人盧綰反入匈奴。燕人衛滿亡命聚黨千餘人。魑結變夷服而東走。

出塞度涇水。擊破朝鮮王準。居秦故空地上下障。後稍役屬真蕃。朝鮮諸夷。及故燕齊亡命者王之。都王險。孝惠高后時。天下初定。遼東太守約滿為外臣。保塞外。以故滿得兵威財物。侵降其旁小邑。真蕃臨屯。皆來服屬。地方數千里。傳子至孫。右渠所誘漢亡人滋多。初漢約朝鮮。蠻夷君長欲入見天子。勿得禁止。以聞。右渠既未嘗入。見真蕃旁衆國。欲上書見天子。又雍閼弗通。至元封二年。漢使涉何誘諭右渠。終不肯奉詔。使裨王長送何至涇水。何刺殺之。歸報曰。殺

朝鮮將。上為其名美弗詰。拜何遼東東部都尉。朝鮮怨。發兵襲攻殺之。漢遣樓船將軍楊僕從齊浮渤海。兵五萬。左將軍荀彘出遼東誅右渠。右渠發兵距險。漢兵不利。天子為兩將未有功。乃使衛山因兵威往諭右渠。右渠見使者。頓首謝。願降。恐兩將詐殺臣。今見信節。請服降。遣太子入謝。獻馬五千疋。及饋軍糧。人衆萬餘。持兵方渡涓水。使者與左將軍疑其為變。謂太子已服降。宜令人毋持兵。太子亦疑使者左將軍詐之。遂不渡涓水。復引歸。山報。天子誅山。會兵圍

之。右渠堅城守。數月。未能下。朝鮮乃私約降。樓
船。而將不相得。兵久不決。左將軍執樓船。併其
軍。因急擊。朝鮮王不肯降。元封三年夏。尼俗相
參。乃使人殺王。右渠來降。遂定朝鮮。為真蕃。臨
屯樂浪。玄菟。四郡。昭帝時。罷臨屯。真蕃。以并樂
浪。玄菟。自內屬。漢末。為公孫氏所據。魏滅公孫。
晉并于高麗。

高句麗

高句麗。其先出夫餘。王嘗得河伯女。因閉於室
內。為日所照。引身避之。日影又逐。既而有孕。生

一卵大如五升。夫餘王棄之。與犬豕皆不食。於路。牛馬避之。於野。衆鳥以毛茹之。王剖之。不能破。遂還其母。母以物裹置煖處。有一男破而出。及長。字之曰朱蒙。其俗言朱蒙者。善射也。夫餘人以朱蒙非人所生。請除之。王不聽。命之養馬。朱蒙私試。知其善惡。駿者減食。令瘦。駑者善養。令肥。夫餘王以肥者自乘。瘦者給朱蒙。後狩于田。以朱蒙善射。給一矢。殪獸甚多。夫餘之臣。又謀殺之。其母告朱蒙。朱蒙乃與馬達等二人東南走。中道遇大水。欲濟無梁。追者甚衆。朱蒙告

水曰。我是日子。河伯外孫。今追兵垂及。如何得濟。於是魚鼈為之成橋。朱蒙得渡。魚鼈遂解。追騎不得渡。朱蒙走至普述水。遇見三人。一著麻衣。一著衲衣。一著水藻衣。與朱蒙至紇升骨城。遂居焉。號曰高句麗。因以高為氏。其在夫餘妻懷孕。朱蒙逃後。生子始閭諧。及長。知朱蒙為國王。即與母亡歸之。名曰閭達。委之國事。朱蒙死。子如栗。如栗死。子莫來。乃并夫餘。其地在遼東之東。千里。南與朝鮮穢貊。東與沃沮。北與夫餘接。地方二千里。多大山深谷。人隨而為居。少田。

業故其俗節於飲食而好脩宮室言語法則與
夫餘同蓋其別種也跪拜曳一脚行步皆走凡
有五族有消奴部絕奴部順奴部灌奴部桂婁
部案今高麗五部一曰內部一名黃部即桂婁
部一也二曰北部一名後部即絕奴部也三曰
東部一名右部即順奴部一名右部即消奴部
部即灌奴部也五曰西部一名右部即消奴部
本消奴部為王稍微弱後桂婁部代之其置官
有相加對盧沛者古鄒大加高麗掌賓客
之官如鴻臚主簿
優台使者帛衣先人漢武帝滅朝鮮以高句麗
為縣使屬玄菟賜鼓吹伎人先是漢有所賜朝
服衣幘常從玄菟郡受之後稍驕不復請郡但

於東界築小城受之。名此城以為憤淠婁。淠婁者。高麗名城也。王莽初。發句麗兵伐匈奴。其人不欲行。迫遣之。皆亡出為寇盜。莽令嚴尤誘高麗侯入塞。斬之。更名高句麗王為下句麗侯。於是貊人寇邊愈甚。光武建武八年。遣使朝貢。詔復其王號。二十三年冬。句麗王委大加戴升等萬餘口。詣樂浪內屬。二十五年。寇右北平。漁陽上谷。太原。而遼東太守祭彤。以恩信招之。皆復款塞。後句麗王宮。生而開目能視。國人懷之。及長。壯勇。數犯邊境。和帝時。寇遼東。安帝元初五

年與濊貊寇玄菟。建光元年。與遼東鮮卑八千
餘人寇遼隊。是歲宮死。子遂成立。玄菟太守姚
先上言。欲因其喪。發兵擊之。議者不可。明年遂
成。詣玄菟降。遂成死。子伯固立。伯固死。有二子。
長曰拔奇。小曰伊夷模。拔奇不肖。國人共立伊
夷模為王。獻帝建安中。拔奇怨為兄不得立。與
消奴加各將下戶三萬餘口。詣公孫康降。還住
沸流水。降胡亦叛伊夷模。伊夷模更作新國都。
於九都山下。拔奇遂往遼東。有子留句麗國。古
雖交駁。位居是也。伊夷模死。子位宮立。以曾祖

名宮。生能開目視。今王生亦能視。句麗呼相似。為位。似其祖。故名之為位宮。宮有勇力。便鞍馬。魏齊王正始三年。寇西安平。五年。幽州刺史毋丘儉將萬人出玄菟討之。戰於沸流。位宮敗走。儉追至潁峴。懸車束馬。登九都山。屠其所都。斬首萬餘級。六年。毋丘儉復討之。位宮輕將諸加奔沃沮。儉使王頌追之。過沃沮千餘里。到肅慎南界。刻石紀功。又刊九都銘。不耐城而還。至位宮五葉孫剗。晉康帝建元初。慕容皝率兵伐之。大敗。單馬奔走。皝乘勝追至九都。焚其宮室。掠

男女五萬餘口以歸。剗後為百濟所殺。其後慕
容寶以句麗王安為平州牧。封遼東帶方二國
王。安始置長史司馬參軍官。後畧有遼東郡。至
孫高璉。璉子雲。雲子安。安子延。延子成。成子湯。
自東晉宋至于齊梁後魏後周。其主皆受南北
兩朝封爵。分遣貢使。初後魏時。置諸國使邸。齊
使第一。高麗次之。其國東至新羅。西渡遼二千
里。南接百濟。北隣靺鞨。一千餘里。自東晉以後。
其王所居平壤城。即漢樂浪郡王儉城。自為慕
容旣來伐後徙內城。移都此。
亦曰長安城。其地後漢時方二千里。至魏南北

漸徙才千餘里。至隋漸大。東西六千里。長安城東六里。隨山屈曲。南臨渭水。城內唯積倉儲器。禦備寇賊至。王別築宮其左。又有國內城。漢城號別都。有遼水出。鞞鞞西南山。南歷安市城。有馬訾水出。鞞鞞之白山。色若鴨頭。號鴨綠水。南東以巨艦濟人。因恃以為塹。官凡十二級。曰大對盧。秉國政。三歲一易。善職則否。凡代日。有不。服。則相攻。王為閉宮守。勝者聽為之。其州縣六十大城。置褥蔭一。比都督。余城置處間。近支亦號道使。比刺史。俗喜投壺。楚鞠。食用邊豆。簞簞。

壘洗居依山谷。以草茨屋。惟王宮官府佛廬以瓦。其治峭法。故少犯。叛者叢炬灼體。乃斬之。籍入其家。降敗殺人及僇劫者斬。盜者十倍取償。殺牛馬者沒為奴婢。故道不掇拾遺。俗多淫祀。祠靈星及日箕子可汗等神。左有大穴曰神隧。每十月王皆自祭。人喜學。至窮里廝家亦相矜勉。衢側悉構嚴屋。號扁堂。子弟未婚者。處誦經習射。

隋平陳後。湯大懼。陳兵積穀。為守拒之策。開皇十七年。賜璽書責以潛行貨利。招動群小。私將